

خزینہ اوراق

نمبر
۷

جمعہ ایرتسی
تاریخ تاسیس
۱ مایس سنہ ۱۲۹۷

عمومی اعتباریہ فنونہ دائر رسالہ ادیبہ در

آیدہ درت کرہ اولہ رق جمعہ ایرتسی کونلری چبقار

و بقاء باقیمه سنده دخی جان چکشمکه بولنوب بتون بتون
مندفع اولسنه قریدر .

مرحمت دنیلان کیفیت حاجت قالمیوب یالکز عوارض
طبیعییه قارشولق اولمق اوزره و محتاجینک رفاهنی تدارک ایتمک
ایچون انسانک وظیفه سنک برادیدر انسان هیچ بر منزلده
توقف ایلمکه قناعت ایتمز قابل اقناع اولیان وجدانی طرفندن
دعوت اولندیغنی نردبان ترقی دائمی ده یوریوب قطع مراتب
ایتمکه مفضوردرد البته بر صاحب فضیلتک فضائل مکافاته و اصل
واهل قباحتک دائماً جنحه لرینک مجازاته نائل اولمق ارزوسنده
مجبوردر . اصحاب خیری فلا کتده و ارباب شری عزت و راحتده
کورمک کی مخالف وجدان یوقدر الحاصل حسن و قبحی تمامیه
فرق و تمیز و افعالک اختیاری و اضطراریسنی صحیحاً تعیین
و تشخیص ایدر بر عدالت کامله نک وجودینه محتاج اثر قدیم
اولدیغیزی حس ایتدیگیز کی اجزاء جسمانییه دن فضله احسا-
سات و انفعالات روحانییه من دخی بر بقای نامتاهیه متوجهدر
(مابعدی وار)

بر دوشمش قادین (۱)

(.....) متفکرانه و متأثرانه بر حال ایله یتاغک باشی
اوجنده او طورر کوزلرینی او یومقده اولان بختیاره دیگر
زواللی چوجق او یویور . نه قدرده درین بر او یقویده

(۱) نشر ارلئامش برتیا ترو سندن مأخوذدر

و ارمش؟ کیم بیلور قاج کیجه در صیاحلره قدر او یومامش؟ کیم
 بیلور قاج کیجه در نه قدر وجود اولدیریمی بین یاقیچی حاللر ایچنده
 امرار لیالی ایتمش؟ بیچاره قزا! بر شاعرك کولکنه القای سودا
 ایده جک قدر ملکیته کندیسنه مالک اوله جق بر آدمی بختیار
 ایلده جک درجه ده حسنه صاحب اولدیغی حالده بو مذلتکاه
 سفالتک اک مدهش براو طه سنده اک قرانلق برکوشه سنده اک
 مردار بر یتاغنده نه قدر پریشان بر حالده او یویور! بر لطف
 ربانی کفران ایچنده پامال بر نور لطیف ظلام جهل انسانی
 ارسنده مضطرب بر ملک تبسمی زبانی چهره سنده نمایان
 بر بدیع طبیعت ایاقلر التده مستحق ... ضیا تنور ایتمک ایچون
 اجسامه - چیچک بیومک ایچون دایه نه جق بر فدانه کل او یاقق
 ایچون کونشک ضیاسنه فصل محتاج ایسه بر کنج قادینده
 کندیسنی دوشونور بر فکره کندیسنی سور بر روحه کندیسنه
 آجیر بر قلبه اویله محتاجدر. انسانیتک معرفتک ادخال انوار
 ایتمدیکی بو محله جهلک جسمی ظلمت دود سیاهی عدمک انفاس
 قابو مظلومک انعکاسی اولان بر ظلمت نور ایله تغدی ضیا
 ایله تنفس ایدن بو وجودی نه قدر آجیقلی بر صورتده
 بوغیور.

آه! اشته بو یتاق دنیا ایچنده کی چوجق انسانیت که
 او یویور.

اوغرا دینی فلاکتک دهشت مفرطه سندن حسینی زیر وزیر
 اوله رق هونکور هونکور اغلامغه بدل کولمکه باشلیان بر
 مصیبت زده کی سفالته شو کوشده نه قدر مدهش مدهش

کولیور . بواور جمعیت بشریه نك غایت مدھش غایت درین
اوچوروملریدر .

کیمسه سز محافظه سز قالان اکثر کنج قادیسلر بورالره
دوشملر . بو اوچورمدن قورتلق ایچول ترمانه ترمانه یاریسنه
قدر کلدکدن و اوکوزل پارمقلمری قان ایچنده قالدقدن صکره
تکرار ایچنه دوشمش نه قدر یورغون نه قدر مایوس برحالده
اویویور . وجودی اویویور . فقط نه قدر کدری نه قدر
فلاکئی وارسه زمان استراحتنده اویاییق .

ارده کی اضطراب محو اولسه بو اویقونك اسمی اولوم
اولوردی . شو کوشده کی قندیل بر حیات غریبانه کچی
سونمکه یوز طوموش ... ایچریکی اوطه دن ساعت چالمغه
باشلادی . ساعتک هر چالیشی بزله حیاتک ابدی برصورتده
وداعی در . یا بورالده حیات نه قدر حزن انکیز برصورتده
وداع ایدیور . کوزلری یاری آچیق یاری قپالی دقیقه کچدکجه
بستون پذیرای انطقا اولان نجم طالعه نصل رقت انکیز
بر تأثر نصل آجی بر صبر ایله باقییور . اویورکن اغلا یور .
کوزدن دوکیلان و حزن و الم ایچنده کذار ایدن حیاتنك
خلاصه سی اولان ایکی طامله کوز یاشی عالمه اک صو ک ایکی
یادگار تأثیردرکه قلب انسانیتک ایچنده الابد بقایاب
اولور . سفالتک یورکلر پاره لیه جک صورتده ازدیکی بر مخلوق
ضعیفك اک صو ک درجه ده بر اضطراب قلب ایله دوکدیکی
ایکی طامله کوز یاشی جمعیت بشریه ایچون طوفان قدر مصیبت
عد اولنسه بحادر . قلبی اسرار قدرک اکلاشلز ظهوراتنه

قارشى قورقوسندن چرينيور . الاري اوزاتمش صغنه جق بر
 كوشه استمداد ايده جك برشي آرينيور . اغزي بر از آجيق
 بوغيلور كي حاللر كچيرديكي هر حالندن اكلاشيليور . نفس
 آلمغه چاليشيور . آه ! همان همان بوغيله جق . تنفس ايتك
 ايچون قلب و روحك مابه الحياتي اولان هواي عصمت و انسانيتي
 بوله ميور
 سزايي

سامي پاشا مرحومك هنكام حياتنده كندوسيله تجديد ملاقات
 ايتك مقصديه شعراي بنامدن فيضي افنديتك مرحوم سشاراليه
 تقديم ايتديكي غزل نفيسدر

رحيق لطيفك ايله مست اولان دل آزاده
 شراب كوثرى ياد ايتلر دكل باده

اي التفاتني هيج بر زمان اونوتمديغم
 كلورمي مدت عمرنده بو قولك ياده

كباره ياد صغار عادت اولماش لكن
 خصيصه در سكا بو فضل حارق العاده

غبار خاكدر اقدسك كوزمده توتر

نصل كه سرمه كعبه چيون اعاده

سنگ هواي عبوديتكله گلش ايكن

جهان ديدكلري بو دار محنت آباه

تغافللك بكا اي روح بخش زنده دلان

رواميدر ايده اسباب موتي اماده

محقر اولمغه عقباه « فيضي » راضى در

توجهكله معزز اولورسه دنياه